



(A)MAR

Dis da litteratura  
Ralf Beer  
Immenhauserstrasse 10  
8600 Dübendorf

[info@disdalitteratura.ch](mailto:info@disdalitteratura.ch)  
[www.disdalitteratura.ch](http://www.disdalitteratura.ch)

## Communicaziun dals 03-11-2019

Ils 29avels Dis da litteratura cun il motto (A)MAR han gì dapli che 350 visitadras e visitaders. Tranter 60 e 120 persunas han visità ils 18 puncts da program. Durant ils trais dis han sa preschentads radund 50 auturs, musicistas ed acturas, comichers ed illustraturs, edituras e lectoras, istorichers, linguistas, filosofos e critichers da litteratura.

Ils Dis da litteratura han cumenzà per l'emprima giada *extra muros*, en il Kabinett der Visionöre a Cuir. Là ha gì lieu per l'emprima giada il program «MareMonti» da l'ensemble *Gufo Reale* che ha sunà ensemen cun la chantadura Manuela Tuena. En il local patgific èn stads occupads tut ils 60 plazs.

La sonda e dumengia è vegnì prelegì, commentà, discutà, crititgà, sunà e chantà en la halla Tircal a Domat. In dals puncts culminants dal program multifar è stà la nova runda litterara cun Bettina Vital (moderaziun), Nadina Derungs e Rico Valär. Vinavant ha la preschentaziun da la *Litteratura 38* e la discussiun latiers cun Claudio Spescha (moderaziun), Nina Dazzi, Felix Giger ed Iso Camartin mussà la varietad e las differentas fassetas da la mar.

La sonda saira han sunà la super-group rumantscha, ina grupp ad hoc furmada per ils Dis da litteratura: Corin Curschellas, Patricia Draeger, Barbara Gisler, Andi Schnoz e Tumasch è han preschentà chanzuns davart la mar, quai en furma alternanta cun ina prelecziun da texts maritims or da plirs tschientaners da la litteratura rumantscha. Prelegì ha Benedetto Vigne.

La dumengia hai dà divers puncts da program per uffants e la giuventetgna, ed era la preschentaziun da la collecziun da texts *Menschenrechte. Weiterschreiben*. Prelegì han Leo Tuor, Alberto Nessi, Göri Klainguti e Catalin Dorian Florescu. Ils 29avels Dis da litteratura han terminà cun il teater da famiglia *Sar Widerstand e sia maschina da furtüna*, da e cun Annina Sedláček e Nikolas Stocker.

Per atmosfera maritima han era procurà ils maletgs da Luis Coray sco l'installaziun d'art dad Aita Puorger e Jelscha Planta en il foyer. Il comité d'organisaziun ha grond plaschair da pudair surdar in retgav da radund 1000 CHF a l'organisaziun d'agid Sea-Watch.

Ils 30avels Dis da litteratura han lieu dals 6 enfin ils 8 da november 2020.

Cordials salids

Per il comité dals Dis da litteratura

Ralf Beer